

Naalagaaffiit Peqatigiit Sorsutsaaliuisutut ataatsimiittartuisa aalajangersaaneri malillugit, pinerliiniarnernut aningaasalersuinerit aamma Koreap Avannarliup (DPRK-p) atomimut programmilaat pillugu inunnut, eqimattakkuutaanut, immikkoortorta qarfinnut aamma sullissivinnut aningaasaqarnermut tunngasut ilaannut killiliisumik iliuseqarnerit pillugit Kalaallit Nunaannut peqqussut

UAGUT FREDERIK QULINGAT, Guutip Saammaassineratigut uagut Danmarkip Kunngia, nalunaarpugut:

Inatsimmik allanngorneri ilanngullugit nalunaarutiginninneq nr. 1079, 17. september 2010-imeersaq malillugu, Naalagaaffiit Peqatigiit angerfigeqatigiissutaat malillugu qanoq iliornissamut piareersaatit ilaat pillugit inatsimmi § 1 malillugu, matumuuna Naalagaaffiit Peqatigiit Sorsutsaaliuisutut ataatsimiittartuisa aalajangersagaasa nr. 1267-ip, 15. oktober 1999-imeersup, nr. 1373-ip, 28. september 2001-imeersup, nr. 1988-ip, 17. juni 2011-imeersup, nr. 1989-ip, 17. juni 2011-imeersup, nr. 2253-ip, 17. december 2015-imeersup, nr. 1718-ip, 14. oktober 2006-imeersup, nr. 2087-ip, 22. januar 2013-imeersup, nr. 2270-ip, 2. marts 2016-imeersup, nr. 2321-ip, 3. november 2016-imeersup, nr. 2371-ip, 5. august 2017-imeersup, nr. 2375-ip, 11. september 2017-imeersup aamma nr. 2397-ip, 22. december 2017-imeersup naammassineqarnissaannut aalajangersarneqarpoq:

Kapitali 1

Atuuffissaa

§ 1. Peqqussut manna tulliuttuni atuutissaaq:

- a) Kalaallit Nunaanni,
- b) silaannakkut angallassissutini umiarsuarnilu tamani, Kalaallit Nunaanni nalunaarsorneqarsimasuni imaluunniit allakkut Kalaallit Nunaata inatsisitigut oqartussaaffigisaaniittuni,
- c) inunnut kikkugaluartunut tamanut, pineqartut sumiinnerat apeqqutaatinnagu qallunaatut naalagaaffimmi innuttaassuseqarlutik Kalaallit Nunaanni angerlarsimaffeqartunut,
- d) inatsisitigut pisinnaatitaasunut pisussaataitaasunullu, immikkoortorta qarfinnut imaluunniit sullissivinnut tamanut, sumi taakku pilersinneqarsimaneri apeqqutaatinnagu, Kalaallit Nunaanni inatsisiliornerit malillugit pilersinneqarsimasunut, aamma
- e) suliffeqarfik niuernermik ingerlataqartoq, Kalaallit Nunaanni tamakkiisumik imaluunniit ilaannakoortumik ingerlanneqartoq pineqartillugu, inatsisitigut pisinnaatitaasunut pisussaataitaasunullu, immikkoortorta qarfinnut imaluunniit sullissivinnut tamanut.

Imm. 2. Kalaallit Nunaanni Namminersorneq pillugu inatsit malillugu suliaasaqarfinnut tiguneqarsimasunut peqqussut atuutissanngilaq.

Nassuiaatit

§ 2. Peqqussummi matuani tulliuttut ima paasineqassapput:

- 1) Aningaasaatit aamma aningaasaqarnermut tunngasumik pigisat nalillit: Aningaasaqarnermut tunngasumik pigisat nalillit suugaluartulluunniit aamma aningaasat pisassat, matumani tulliuttunut killilerneqanngitsut ilanngullugit

- a) aningaasat, checkit, aningaasatigut piumasaqaatit, akiitsukkanut uppersarsaat, aningaasat nassiussat allagartaat, aningaasaqarnermut tunngasumik takussutissiat tigumminnittumit akiliiffigineqarnissamik pisinnaatitsisut, akiliissutit internetimit tunngaveqartut, soorlu nunap aningaasai piviusungatitat aamma akiliissutit allat,
 - b) aningaasaqarnermut tunngasumik sullissivinnut imaluunniit immikkoortortaqaqfinnut allanut aningaasaliissutit aamma kontot imai, matumani aningaasaqarnermut tunngasumik sullissivinni imaluunniit immikkoortortaqaqfinni allani aallaqqaatitut akiliutit aamma kontut imai, aningaaserivimmiititat aalajangersimasunik ernialersukkat imaluunniit piffissami killilimmi aningaaserivimmiititat aamma aningaaserivinni, niueqatigiinnermi akunnermuliunnermik suliffeqarfinni aktianut niuernermi kontut imaluunniit aningaasaliinnermut kontut allat ilanngullugit, kisianni taakkununga killilernagit,
 - c) akiitsut aamma akiitsuni pisussaaffiit, matumani niuernermi akiitsut, pisassat allat, akiitsukkanut uppersarsaatini piumasaqaatit aamma inunnut pingajuusunut aningaasatigut piumasaqaatit allat ilanngullugit,
 - d) inuup ataatsip suliffeqarfiutaani imaluunniit peqatigiinni piginneqataassutit aamma aningaasanut tunngasunik soqutigisat,
 - e) pappiaqqat aningaasanik nalillit aamma aningaasatigut pigisat nalillit, taarsigassarsianik sinniisuusut børsimi nalunaarsukkat nalunaarsorneqanngitsullu, matumani aktiat aamma piginneqataassutsit allat, pappiaqqat aningaasanik nalillit allagartaat akuersissutit, obligationit, akiitsut uppersarsaataat, warrant-it, pappiaqqat aningaasanik nalillit qularnaveeqquserneqanngitsut aamma pigisat nalillit pillugit pappiaqqat aningaasanik nalillit pillugit isumaqatigiissutit ilanngullugit, pappiaqqanik nalilinnik niuerneq pillugu inatsimmut, kunngip peqqussutaatigut Kalaallit Nunaannut atuutilersinneqarsimasumut, naapertuuttumik paasineqassapput,
 - f) erniat, iluanaarutit imaluunniit pigisanit nalilinnit isertitat allat imaluunniit nalit ilanngussat imaluunniit piliarineqartut,
 - g) akiligassat, nalimmassaarinnissamut pisinnaatitaanerit, qularnaveeqqutit, obligationit naammassinninnissamik piumasaqaatitallit imaluunniit aningaasanut tunngasunik pisussaaffiit allat,
 - h) nioqqutissamut nassiussinermut uppersarsaatitut nunat tamat akornanni nioqqutissanik pisinermi, pisisup aningaaseriviata pisinermi akimik tunisisup aningaaserivianut nuussinera, pigisat umiarsuarmi usiliussat pillugit takussutissiaq, tassani umiarsuup naalagaa pigisanut tiguserminik atsiorluni aamma tiguserissamut eqqortumut tunniussinissaminik pisussaaffilerluni, akiitsukkanut uppersarsaatini piumasaqaatit takussutissiallu allat, aningaasaatinik imaluunniit aningaasaqarnermut tunngasunik isumalluutini soqutigisaqarnermik uppersarsaasut, kiisalu avammut tunisinermi aningaasalersuinnermik sakkutit allat, aamma
 - i) sillimmasiissutit aamma sillimmasiisarfiup sillimmasiisarfimmi allami sillimmassiineri.
- 2) Aningaasaqarnermut tunngasumik isumalluutit: Pigisat nalillit suugaluartulluunniit, atortussat tigussaasut imaluunniit tigussaasuunngitsut nalillit, pigisat nuunneqarsinnaasut pigisallu aalaakkaasut, piviusut imaluunniit piviusunngorsinnaasut, aningaasaatit, nioqqutissat imaluunniit sullissinerit anguniarlugit atorneqarsinnaasut, matumani tulluuttut ilanngullugit, kisianni taakkunungaannaq killilernagit
- a) nunaatit, illuutit imaluunniit pigisat aalaakkaasut allat,

- b) atortut, matumani qarasaasiat, qarasaasiami programmit najoqquttallu, sakkuutit maskiinallu ilanngullugit,
 - c) allaffimmi pisattat, pequtit pequtillu allat aalaakkaasutut pissusillit,
 - d) angallatit, silaannakkut angallatit aamma angallatit motoorillit,
 - e) toqqorsivinni nioqqutissat tigummisat,
 - f) eqqumiitsuliat, pequtit kultureqarnermit pisut, ujaqqat erlinnartut, pinnersaatit imaluunniit guultit,
 - g) nioqqutissiat, matumani uuliat, aatsitassat imaluunniit quassuttuut ilanngullugit,
 - h) sakkut atortussallu sakkunut atasut, matumani pequtit sakkut pillugit eqqusseqqusinnginnermi isumaqatigiisummi 2161-imi (2014-imeersumi) immikkoortoq 1 (c)-mi taaneqartut tamaasa,
 - i) nioqqutissat atortullu, piareersaqaarani qaartartunik imaluunniit sakkunik naalagaaffiit isumaqatigiissutaannit allaasunik sananermut atorneqarsinnaasut, matumani atortut kemiskiusut, qaartartup qaartinneqarnissaanut allunaasaaqqat imaluunniit toqunartut ilanngullugit, kisianni taakkununga killilernagit,
 - j) nioqqusianik nutaanik illersuinerit, nioqqutissiat ilisarnaataat, pilersitseqqartutut pisinnaatitaanerit, niuernermit aqqit, sanaartornissamut imaluunniit nioqquteqarnissamut isumaqatigiissutit, suliffeqarfiup aqqa, pisiniartigisartagai aamma attaveqarfii pillugit tutsuiginassutsip nalinga aamma pigisat tigussaasuunngitsut silassorissutsimit pinngortinneqartut ilusaat allat,
 - k) internetimik akilersilluni inisimatitsineq imaluunniit kiffartuussinerit assigisaat, aamma
 - l) pigisat nalillit suugaluartulluunniit allatut ilusillit.
- 3) Aningaasaqarnermut tunngasumik tapersersuineq: Toqqaannartumik imaluunniit toqqaannanngitsumik pisortanit namminersortunilluunniit tapersersuinerit suugaluartulluunniit, matumani taarsigassarsiat, tapiissutit, tunissutit, nunanut allanut tunisinermit akiligassanut sillimmatit, qularnaveeqqutit, ikiorsiissutitut tapiissutit, akileraartarnikkut iluaqutit aamma aqqissuussinerit allat, suliniummik aningaasatigut ikorfartuutaasinnaasut.
- 4) Aningaasanik tiguseqqusinnginneq: Inummit, eqimattakkuutaamit, immikkoortortaqaarfimmit imaluunniit sullissivimmit, Naalagaaffiit Peqatigiit iliuusereriikkanut kinguneqartitsiviusussanut allattuiffianni allanneqarsimasumit pigineqartumit imaluunniit nakkutigineqartumit, nuussineq, allanngortitsineq, tunisineq, nuutitsineq, atuineq, aningaasanik, aningaasaqarnermut tunngasumik pigisanik nalilinnik imaluunniit toqqaannartumik imaluunniit toqqaannanngitsumik aningaasanik isumalluutaasunik, iliuuseq suugaluartorluunniit, kinguaattoortitsinani akornusiisoq. Inunnit imaluunniit immikkoortortaqaarfinit allattuiffimmi allanneqarsimasunit, inuk imaluunniit immikkoortortaqaarfik sinnerlugu imaluunniit ilitersorneqarneq malillugu iliuuseqartunit pigineqartut imaluunniit aquneqartut, kiisalu immikkoortortaqaarfiit taakkuninnga pigineqartut imaluunniit aquneqartut, aningaasanik tiguseqqusinnginnermi aamma pigisat nalillit aamma ilaatinneqarput.
- 5) Atugassiineq: Iliuuseq suugaluartorluunniit, taassuminnga aningaasaatit imaluunniit aningaasaqarnermut tunngasumik isumalluutit, taakku piviusumik taakkuninnga atuisimanersut apeqqutaatinnagu, inummut, eqimattakkuutaanut, immikkoortortaqaarfimmut imaluunniit sullissivimmut, allattuiffimmi allatorneqarsimasunut toqqaannartumik imaluunniit toqqaannanngitsumik atorneqarsinnaasunngortitsisoq imaluunniit iluaqutaasoq.

- 6) Atugassanngortitsineq: Taakku piviusumik taakkunannga atuisimanerat apeqqutaatinnagu, iliuutsit suugaluartulluunniit, taakkunuunatigut aningaasanik aningaasaqarnermut tunngasumik pigisanik nalilinnik imaluunniit toqqaannartumik imaluunniit toqqaannanngitsumik aningaasanik isumalluutaasunik, inummut, eqimattakkuutaanut, immikkoortortaqaarfimmuut imaluunniit sullissivimmuut, Naalagaaffiit Peqatigiit iliuusereriikkanut kinguneqartitsiviusussanut allattuiffianni allanneqarsimasuni tikinneqarsinnaasunngortitsisut imaluunniit iluaqutissanngortitsisut. Nunap iluani iliuutsinut naalagaaffiup oqartussaasunit, namminersorlutik sullissisunit aamma inummit kinaagaluartumilluunniit allamiit iliuutsit suliarineqartut tassani ilaatinneqarput.
- 7) Kiffartuussinerit: Ikorsiissutit aningaasaqarnermut tunngasuunngitsut suugaluartulluunniit, tamakku timitalerlugit imaluunniit digitaliusumik tunniunneqarneri apeqqutaatinnagit, matumani tekniskiusumik ikiuunnerit, sungiusaanerit, siunnersuinerit, siunnersuinerimik suliaqarnerit, aserfallatsaaliuinerit, ingeniøritut- aamma ilusilersuisartutut ikorsiinerit kiisalu sullissinerit allatut ilusillit ilanngullugit.
- 8) Aningaasaqarnermut tunngasumik kiffartuussinerit: Taakku aningaaserivinnit, sillimmasiisarfinnit, aningaasaqarnermut tunngasumik sullissivinnit imaluunniit immikkoortortaqaarfinnit allanit, kisianni ataaniittunit killilerneqanngitsunit, kiffartuussinerit aningaasaqarnermut tunngasutut pissuseqartut:
- a) aningaasaliissutinik aamma utertinneqarsinnaasunik aningaasaatinik allanik tigusineq,
 - b) taarsigassarsisitsisarnermik- aamma akiligassarsisitsisarnermik suliaqarneq, matumani atuisunut akiligassarsisitsineq, isumannaatsumik sallunaveeqquteqarluni taarsigassarsisitsineq, akiligassat allagartaatigisat tuniniarneqarnerisigut imaluunniit taakku tunngavigalugit taarsigassarsinikkut aningaasaliinermik aaqqiineq, nuussinerit aningaasalersorneqarneri kiisalu niuernerimut aningaasaliineq,
 - c) aningaasanik nuussinerit, matumani ilisaqqunnartumik pisinerup inernerisaatut nunagisap iluani aamma nunat tamat akornanni kontumiit kontumut nuussinerit,
 - d) nunat allat aningaasaanik taarsiisitsineq aamma nunap aningaasaanik niuerneq imaluunniit aningaasaqarnermut tunngasumik sakkuut atorlugu akit ineriartornerannit naleq nunap aningaasaanit pilersinneqartoq,
 - e) aningaasaliinermik kiffartuussinerit, matumani pappiaqqanik nalilinnik aamma aningaasaqarnermut tunngasumik sakkutit allat atorlugit niuerneq ilanngullugit,
 - f) akiliissutinik atulersitsineq ingerlatsinerlu, matumani taarsigassarsilluni akiliissutit, akiliissutit, taakku atornerini toqqaannartumik ingerlaannartumillu aningaaserivimmi kontunnit ilanngaasoqartarluni aamma aningaasat elektroniskiusut,
 - g) pappiaqqatut nalilittut ilusilimmik aningaasaliisup pigisaanut imaluunniit pisuussutaanut atasumik kiffartuussinerit, ataatsimoorussamik aningaasaliinermik aaqqissuussinerit imaluunniit pisuussutit ingerlanneqarnerat,
 - h) sillimmasiinermik- aamma sillimmasiisarfiiit sillimmaseeqqittarnerannut kiffartuussiviit,
 - i) aningaasaqarnermut tunngasumik attartortitsineq,
 - j) kiffartuussinerit assigisaat allat aningaasaqarnermut tunngasumik atuuffillit imaluunniit sunniuteqartut.
- 9) DPRK-miit aningaaseriviit: Aningaasaqarnermut tunngasumik sullissiviit suugaluartulluunniit, DPRK-mi pilersinneqartut, aqunneqartut imaluunniit DPRK-mi sulisut, matumani nunani allani immikkoortortaqaarfiit aamma ingerlateqatigiiffiit aqutat kiisalu sinniisoqarfiit.

- 10) Immikkoortortaqarfik: Aningaasersuinerimik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi § 5, nr. 21-imi nassuiarneqartut suliffeqarfik.
- 11) Atomimik sakkuliat- imaluunniit qaartartut ungasissumit igeriuttakkat piffimmut aalajangersimasumut aqukkiallugit nakkartinneqartartut pillugit programmit: Suliniutit suulluunniit, ineriartortitsinerit, sananerit, misileraanerit, pissarsinerit, pigisaqarnerit, toqqorsinerit, nuussinerit, atuinert imaluunniit atomimit sakkulianik, qaartartut ungasissumit igeriuttakkanik piffimmut aalajangersimasumut aqukkiallugit nakkartinneqartartunik imaluunniit ineriartortitsinermut, nioqqutissiornermut imaluunniit atuinermut imaluunniit taakkununga atasunik teknologiinik, atortussanik, akunik imaluunniit paasisimasaqarlunarnernik ikiuunnerit.
- 12) Aningaasaqarnermut tunngasumik suliffeqarfiit: Suliffeqarfiit inuillu, aningaasatigut peqquserluutinik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 1, imm. 1, nr. 1-miit 11 ilanngullugu aamma 22-imiit 26 ilanngullugu aalajangersakkani ilaatinneqartut.

Kapitali 2

Pinerliiniarnerup aningaasalersorneqartarnera akiorniarlugu Naalagaaffiit Peqatigiit Sorsutsaaliuisutut ataatsimiittartuisa aalajangersagaat nr. 1267 (1999-imeersoq), 1373 (2001-imeersoq), 1988 (2011-imeersoq, 1989 (2011-imeersoq aamma 2253 (2015-imeersoq) malillugit aningaasaqarnermut tunngasumik iliuuseqarnernut killiliinerit ilaat

§ 3. Naalagaaffiit Peqatigiit Sorsutsaaliuisutut ataatsimiittartuisa aalajangersagaanni nr. 1267-imi (1999-imeersumi, 1373-imi (2001-imeersumi), 1988-imi (2011-imeersumi), 1989-imi (2011-imeersumi aamma 2253-imi (2015-imeersumi) aalajangersakkat, §§ 4-imiit 8 ilanngullugu aalajangersakkat malitsigisaannik naleqqussaanerit ilanngullugit, Kalaallit Nunaannut atuupput.

Atuutitsinnginnerit aamma naleqqussaanerit

§ 4. Naalagaaffiit Peqatigiit Sorsutsaaliuisutut ataatsimiittartuisa aalajangersagaanni nr. 1267-imi (1999-imeersumi, 1373-imi (2001-imeersumi), 1988-imi (2011-imeersumi), 1989-imi (2011-imeersumi) aamma 2253-imi (2015-imeersumi) isiginniffiit tulluuttut Kalaallit Nunaannut atuutinngillat:

- 1) Aalajangersakkami 1267-imi (1999-imeersumi) immikkoortut 1-imiit 3 ilanngullugu, immikkoortoq 4, litra a, immikkoortoq 5, immikkoortoq 6, litra a, immikkoortoq 6, litra 3, immikkoortoq 6, litra g, aamma immikkoortut 7-imiit 16 ilanngullugu.
- 2) Aalajangersakkami 1373-imi (2001-imeersumi) immikkoortoq 1, litra a, immikkoortoq 1, litra b, immikkoortoq 1, litra d, immikkoortoq 2, litra b-miit g ilanngullugu aamma immikkoortut 3-miit 9 ilanngullugu.
- 3) Aalajangersakkami 1988-imi (2011-imeersumi) immikkoortoq 1, litra b, immikkoortoq 1, litra c, immikkoortoq 4, immikkoortoq 5, immikkoortoq 10, immikkoortoq 13-imiit 19 ilanngullugu, immikkoortoq 21, litra a-miit c ilanngullugu, aamma immikkoortut 23-imiit 32 ilanngullugu.
- 4) Aalajangersakkami 1989-imi (2011-imeersumi) immikkoortoq 1, litra b, immikkoortoq 1, litra c, immikkoortoq 4, litra b-miit c ilanngullugu, immikkoortut 10-miit 20 ilanngullugu,

immikkoortut 24-imiit 26 ilanngullugu, immikkoortut 28-imiit 40 ilanngullugu aamma immikkoortut 42-imiit 60 ilanngullugu.

- 5) Aalajangersakkami 2253-imi (2015-imeersumi, immikkoortoq 1, immikkoortoq 2, litra b, immikkoortoq 2, litra c, immikkoortoq 3, litra b, immikkoortoq 3, litra c, immikkoortoq 4, immikkoortut 11-imiit 12 ilanngullugu, immikkoortoq 13-imi oqaaseqatigiit aappaat, immikkoortoq 14, immikkoortoq 15, immikkoortoq 18, immikkoortoq 20, immikkoortut 22-imiit 61 ilanngullugu, immikkoortut 63-imiit 68 ilanngullugu, immikkoortut 71-imiit 74 ilanngullugu, immikkoortut 76-imiit 99 ilanngullugu.

Aningaasaatinik il.il. atugassanngortitsinissamik inerteqquteqarneq

§ 5. Inunnut, eqimattakkuutaanut, immikkoortorta qarfinnut imaluunniit sullissivinnut, § 38-imi allattuiffinni taaneqartuni ilaatinneqartunut, aningaasaatinik, aningaasaqarnermut tunngasumik pigisanik nalilinnik imaluunniit toqqaannartumik imaluunniit toqqaannanngitsumik aningaasanik isumalluutaasunik atugassanngortitsineq inerteqqutaavoq.

Imm. 2. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutunut, inunnik ikiuniarnermi ikiutunut imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Finanstilsynimit sioqqutsisumik akuerineqartunut, imm. 1-imi inerteqquteqarneq atuutinngilaq.

Aningaasaqarnermut tunngasunik nuussinernut inerteqquteqarneq

§ 6. Nuussinerit taamaattut pinerliiniarnermik iliuuseqarnissap aningaasalersorneqarnissaanut ilaasinnaappata imaluunniit iliuutsinut, peqqussummi matumani aalajangersarneqartunut avaqqutsinermik pissutaasinnaappata, inunnut, eqimattakkuutaanut, immikkoortorta qarfinnut imaluunniit sullissivinnut, § 38-imi allattuiffinni taaneqartuni ilaatinneqartunut, aningaasaqarnermut tunngasumik nuussinerit, aningaasaqarnermut tunngasumik kiffartuussinernik tunniussaqaarnerit imaluunniit aningaasanik, aningaasaqarnermut tunngasumik pigisanik nalilinnik imaluunniit aningaasanik isumalluutunik nuussinerit suliarineqarnissaat inerteqqutaavoq.

Imm. 2. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutunut, inunnik ikiuniarnermi ikiutunut imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Finanstilsynimit sioqqutissumik akuerineqartunut, imm. 1-imi inerteqquteqarneq atuutinngilaq.

Aningaasaqarnermut tunngasumik ikiunissamut inerteqquteqarneq

§ 7. Inunnut, eqimattakkuutaanut, immikkoortorta qarfinnut imaluunniit sullissivinnut, § 38-imi allattuiffinni taaneqartuni ilaatinneqartunut, toqqaannartumik imaluunniit toqqaannanngitsumik iluaqutaasumik, aningaasaqarnermut tunngasumik pigisanik nalilinnik, aningaasanik isumalluutunik imaluunniit kiffartuussinernik aningaasaqarnermut tunngasumik ikiunneq imaluunniit atugassanngortitsineq, inerteqqutaavoq.

Imm. 2. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutunut, inunnik ikiuniarnermi ikiutunut imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut

tunniussinissanut pisariaqartinneqartunut, Finanstilsynimit sioqqutissumik akuerineqartunut, imm. 1-imi inerteqquteqarneq atuutinngilaq.

Aningaasanik tiguseqqusinnginneq aamma atugassanngortitsineq il.il.

§ 8. Aningaasat tamarmik, aningaasaqarnermut tunngasumik pigisat nalillit aamma aningaasat isumalluutaasut, inunnit, immikkoortortaqaqfinnit imaluunniit sullissivinnit Naalagaaffiit Peqatigiit Sorsutsaaliuisutut ataatsimiittartuinit akuerineqartuni aqqit allattorsimaffiini, § 38-imi taaneqartunit qaqugukkulluunniit atuuttuni allattorneqartunit, pigisaasut imaluunniit pigineqartut, tiguneqarsinnaajunnaarsitaassapput.

Imm. 2. Aningaasat, aningaasaqarnermut tunngasumik pigisat nalillit imaluunniit aningaasat isumalluutaasut toqqaannartumik imaluunniit toqqaannangitsumik, inunnut, eqimattakkuutaanut, immikkoortortaqaqfinnut imaluunniit sullissivinnut, § 38-imi allattuiffinni taaneqartuni ilaasunut atugassanngortinneqarnissaat inerteqqutaavoq.

Imm. 3. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutitut, inunnik ikiuiniarnermi ikiuutitik imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Erhvervsstyrelsimit sioqqutissumik akuerineqartunut, imm. 2-imi inerteqquteqarneq atuutinngilaq.

Imm. 4. Sullitami pissutsit imaluunniit nuussineq inunnut, eqimattakkuutaanut, immikkoortortaqaqfinnut imaluunniit sullissivinnut, § 38-imi allattuiffinni taaneqartuni ilaasunut atassuteqartoq, inuup, suliffeqarfiup, oqartussaasup imaluunniit suleqatigiiffiup nalilerpagu, pineqartup pissutissaqanngitsumik sivitsorsaanani isumaqatigiissummut naapertuuttumik aningaasanik tiguseqqusiunnaarsitsissaaq.

Imm. 5. Aningaasanik tiguseqquseqqusinnginneq pillugu nalunaarutiginninneq Erhvervsstyrelsimut nalunaarutigineqassaaq.

Kapitali 3

DPRK-p atomimut- aamma qaartartut ungasissumit igeriuttakkat piffimmut aalajangersimasumut aqukkiarlugit nakkartinneqartartut pillugit programmiliaat pillugit Naalagaaffiit Peqatigiit Sorsutsaaliuisutut ataatsimiittartuisa aalajangersagaat nr. 1718 (2006-imeersaq, 2087 (2013-imeersaq), 2094 (2013-imeersaq), 2270 (2016-imeersaq), 2321 (2016-imeersaq), 2371 (2017-imeersaq), 2375 (2017-imeersaq) aamma 2397 (2017-imeersaq) malillugit aningaasaqarnermut tunngasumik iliuuseqarnernut killiliinerit ilaat

§ 9. Naalagaaffiit Peqatigiit Sorsutsaaliuisutut ataatsimiittartuisa aalajangersagaanni nr. 1718-imi (2006-imeersumi, 1874-imi (2009-imeersumi), 2087-imi (2013-imeersumi), 2094-imi (2013-imeersumi), 2270-imi (2016-imeersumi), 2321-imi (2016-imeersumi), 2371-imi (2017-imeersumi), 2375-imi (2017-imeersumi) aamma 2397-imi-imi (2017-imeersumi) aalajangersakkat, §§ 10-imiit 24 ilanngullugu aalajangersakkat malitsigisaannik naleqqussaanerit ilanngullugit, Kalaallit Nunaannut atuupput.

Atuutitsinnginnerit naleqqussaanerillu

§ 10. Naalagaaffiit Peqatigiit Sorsutsaaliuisutut ataatsimiittartuisa aalajangersagaanni nr. 1718-imi (2006-imeersumi, 2087-imi (2013-imeersumi), 2094-imi (2013-imeersumi), 2270-imi (2016-imeersumi), 2321-imi (2016-imeersumi), 2371-imi (2017-imeersumi), 2375-imi (2017-imeersumi) aamma 2397-imi (2017-imeersumi) isumaqatigiissutini ilaasut tulluuttut Kalaallit Nunaannut atuutinngillat:

- a) Isumaqatigiissummi 1718-imi (2006-imeersumi) immikkoortut 1-miit 7 ilanngullugu, immikkoortoq 8, litra a, nr. i, immikkoortoq 8, litra a, nr. iii, immikkoortoq 8, litra b, immikkoortoq 8, litra e, immikkoortoq 8, litra f, immikkoortut 10-miit 11 ilanngullugu aamma immikkoortut 13-imiit 17 ilanngullugu.
- b) Isumaqatigiissummi 1874-imi (2009-imeersumi) immikkoortut 1-miit 8 ilanngullugu, immikkoortoq 10-imi oqaaseqatigiit aappaat, aamma immikkoortut 11-imiit 34 ilanngullugu.
- c) Isumaqatigiissummi 2087-imi (2013-imeersumi) immikkoortut 1-miit 4 ilanngullugu, immikkoortut 6-imiit 17 ilanngullugu aamma immikkoortut 19-imiit 20 ilanngullugu.
- d) Isumaqatigiissummi 2094-imi (2013-imeersumi) immikkoortut 1-miit 7 ilanngullugu, immikkoortut 9-miit 10 ilanngullugu, immikkoortut 12-imiit 14 ilanngullugu, immikkoortut 16-imiit 19 ilanngullugu, immikkoortut 21-miit 30 ilanngullugu aamma immikkoortut 32-imiit 37 ilanngullugu.
- e) Isumaqatigiissummi 2270-imi (2016-imeersumi) immikkoortut 1-imiit 5 ilanngullugu, punkt 7-imiit 9 ilanngullugu, immikkoortut 11-imiit 24 ilanngullugu, immikkoortut 26-imiit 30 ilanngullugu, immikkoortut 37-imiit 47 ilanngullugu, aamma immikkoortut 49-imiit 52 ilanngullugu.
- f) Isumaqatigiissummi 2321-imi (2016-imeersumi) immikkoortut 1-miit 2 ilanngullugu, immikkoortut 4-imiit 6 ilanngullugu, immikkoortut 8-miit 15 ilanngullugu, immikkoortut 17-imiit 21 ilanngullugu, immikkoortut 23-imiit 30 ilanngullugu, immikkoortut 33-imiit 45 ilanngullugu, aamma immikkoortut 47-imiit 50 ilanngullugu.
- g) Isumaqatigiissummi 2371-imi (2017-imeersumi) immikkoortut 1-miit 2 ilanngullugu, immikkoortut 4-miit 6 ilanngullugu, immikkoortut 9-miit 25 ilanngullugu, aamma immikkoortut 27-imiit 30 ilanngullugu.
- h) Isumaqatigiissummi 2375-imi (2017-imeersumi) immikkoortut 1-miit 2 ilanngullugu, immikkoortut 5-imiit 17 ilanngullugu aamma immikkoortut 19-imiit 33 ilanngullugu.
- i) Isumaqatigiissummi 2397-imi (2017-imeersumi) immikkoortut 1-miit 2 ilanngullugu, immikkoortut 5-imiit 10 ilanngullugu, immikkoortut 12-miit 15 ilanngullugu, aamma immikkoortut 17-imiit 29 ilanngullugu.

Aningaasanik il.il. atugassanngortitsinermut inerteqquteqarneq

§ 11. Inunnut, eqimattakkuutaanut, immikkoortortaqaarfinnut imaluunniit sullissivinnut, § 38-imi allattuiffinni taaneqartunut, aningaasaatinik, aningaasaqarnermut tunngasumik pigisanik nalilinnik imaluunniit toqqaannartumik imaluunniit toqqaannanngitsumik aningaasanik isumalluutaasunik atugassanngortitsineq inerteqqutaavoq.

Imm. 2. Aningaasanut, aningaasaqarnermut tunngasumik pigisanut nalilinnut aamma aningaasanut isumalluutaasunut, DPRK-p naalagaaffiup allanut attaveqarneranut imaluunniit naalagaaffiup nunani allani sinniisuutitaqarfiini aallartitaanut pisariaqartinneqartunut, matumani Naalagaaffinni Peqatigiinni aallartitat aamma taassuma ataani immikkut ittumik sullissiviini aallartitat ilanngullugit, imm. 1-imi inerteqquteqarneq atuutinngilaq.

Imm. 3. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutitut, inunnik ikiuiniarnermi ikiuutitut, atomimik sakkuliat- imaluunniit

qaartartut ungasissumit igeriuttakkat piffimmut aalajangersimasumut aqukkiallugit nakkartinneqartartut pillugit programmit atorunnaarsitsinissamut imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Finanstilsynimit sioqqutissumik akuerineqartunut, imm. 1-imi inerteqquteqarneq atuutinngilaq.

Aningaasaqarnermut tunngasunik nuussinernut inerteqquteqarneq

§ 12. Nuussinerit taamaattut DPRK-p atomimik sakkussiorderanarut- imaluunniit qaartartut ungasissumit igeriuttakkat piffimmut aalajangersimasumut aqukkiallugit nakkartinneqartartunut programmiliaannut imaluunniit peqqussummi matumani iliuusissanik aalajangersakkanik avaqqutsinissamut ikiuutaassappata, DPRK-mut imaluunniit DPRK-mit aningaasaqarnermut tunngasunik nuussinerit, aningaasaqarnermut tunngasunik kiffartuussinernik tunisinerit imaluunniit aningaasanik, aningaasaqarnermut tunngasunik pigisanik nalilinnik imaluunniit aningaasanik isumalluutitnik nuussineq inerteqqutaavoq, matumani aningaasanngukkat amerlasoorsuit ilanngullugit.

Imm. 2. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutitnik, inunnik ikiuiniarnermi ikiuutitnik imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Finanstilsynimit sioqqutissumik akuerineqartunut, imm. 1-imi inerteqquteqarneq atuutinngilaq.

Aningaasaqarnermut tunngasumik ikiorsiinerit inerteqquteqarneq

§ 13. Ikiorsiineq taamaattoq nunap atomimik sakkussiorderanarut- imaluunniit qaartartut ungasissumit igeriuttakkat piffimmut aalajangersimasumut aqukkiallugit nakkartinneqartartunik ineriartortitsinermut imaluunniit peqqussummi matumani iliuusissanik aalajangersakkanik avaqqutsinissamut ikiuutaassappata, DPRK-mik niueruteqarnermut pisortanit imaluunniit namminersortunit aningaasaqarnermut tunngasumik ikiorsiineq inerteqqutaavoq.

Imm. 2. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutitnik, inunnik ikiuiniarnermi ikiuutitnik, atomimik sakkuliat- imaluunniit qaartartut ungasissumit igeriuttakkat piffimmut aalajangersimasumut aqukkiallugit nakkartinneqartartut pillugit programmit atorunnaarsitsinissamut imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Finanstilsynimit sioqqutissumik akuerineqartunut, imm. 1-imi inerteqquteqarneq atuutinngilaq.

Tiguseqqusinnginneq

§ 14. Aningaasat tamarmik aamma aningaasat isumalluutaasut, inunnit, immikkoortortaqaarfinit imaluunniit sullissivinnit Naalagaaffiit Peqatigiit Sorsutsaaliuisutut ataatsimiittartuunit akuerineqartuni aqqit allattorsimaffiini, § 38-imi taaneqartunit qaqugukkulluunniit atuuttuni allattorneqartunit, pigisaasut imaluunniit pigineqartut, tiguneqarsinnaajunnaarsitaassapput.

Imm. 2. Aningaasat, aningaasaqarnermut tunngasumik pigisat nalillit imaluunniit aningaasat isumalluutaasut toqqaannartumik imaluunniit toqqaannangitsumik, inunnut, eqimattakkuutaanut, immikkoortortaqaarfinnut imaluunniit sullissivinnut, § 38-imi allattuiffinni taaneqartuni ilaasunut atugassanngortinneqarnissaat inerteqqutaavoq.

Imm. 3. Aningaasanut, aningaasaqarnermut tunngasumik pigisanut nalilinnut imaluunniit aningaasanut isumalluutunut, inunnik ikiuiniarnermi ikiuutini imaluunniit aalajangiinerit taaneqartut anguniagaannut aamma atuutitsinnginnermut ingerlatseriaatsinut naapertuuttumik siunertanut allanut tunniussinissanut pisariaqartinneqartunut, Erhvervsstyrelsimit sioqqutissumik akuerineqartunut, imm. 2-imi inerteqquteqarneq atuutinngilaq.

Imm. 4. Sullitami pissutsit imaluunniit nuussineq inunnut, eqimattakkuutaanut, immikkoortortaqaqfinnut imaluunniit sullissivinnut, § 38-imi allattuiffinni taaneqartuni ilaasunut atassuteqartoq, inuup, suliffeqarfiup, oqartussaasup imaluunniit suleqatigiiffiup nalilerpagu, pineqartup pissutissaqanngitsumik sivitsorsaananani isumaqatigiissumut naapertuuttumik aningaasanik tiguseqqusiunnaarsitsissaq.

Imm. 5. Aningaasanik tiguseqquseqqusinnginneq pillugu nalunaarutiginninneq Erhvervsstyrelsimut nalunaarutigineqassaaq.

Avammut tuniniaanermut killilersuinerit

§ 15. Kalaallit Nunaat aqutigalugu imaluunniit Kalaallit Nunaanni sumiiffimmit imaluunniit umiarsuit imaluunniit silaannakkut angallatit, kalaallit erfalasaannik erfalasullit atornerisigut, Kalaallit Nunaanni naalagaaffimmi innuttaassuseqartunit DPRK-mut nioqqutissanik aamma teknologiinik tulliuttunik toqqaannartumik imaluunniit toqqaannanngitsumik tunniussineq, tunisineq, nuussineq imaluunniit avammut tuniniaaneq, inerteqqutaavoq:

- a) Naalagaaffiit Peqatigiit Sorsutsaaliuisutut ataatsimiittartuinit imaluunniit iliuusereriikkanut kinguneqartitsisarneq pillugu ataatsimiittitaliaanit taassuminnga, UNSCR 1718-imi (2006-imeersumi) immikkoortoq 12 malillugu pilersinneqartumit nerisassat nakorsaatillugu akuersissutigineqartut minillugit, nioqqutissiat tamaasa, atortussat tamaasa, atortut tamaasa, nioqqutissat tamaasa aamma teknologi sugaluarterluunniit, UNSCR 1718-imi (2006-imeersumi) immikkoortumut 8, litra a, nr. ii-mut, UNSCR 2087-imi (2013-imeersumi) immikkoortoq 5, litra b-mut, UNSCR 2094-imi (2013-imeersumi) immikkoortoq 20-imut, UNSCR 2070-imut (2016-imeersumi) immikkoortoq 25-imut aamma UNSCR 2375-imi (2017-imeersumi) immikkoortoq 4-imut naapertuuttumik DPRK-p atomimit qaartartut pillugit programmiinut, qaartartut ungasissumit igeriuttakkat piffimmut aalajangersimasumut aqukkiarlugit nakkartinneqartartut pillugit programmiinut imaluunniit sakkunut aserortererujussuassutaasinnaasunut allanut programminut tapersiisinnaasussat.
- b) Illersornissamut atortussat sugaluarterluunniit, matumani qamutit akiuunnermut tunngasumik atorneqanngitsut qaartartut ungasissumit igeriuttakkat piffimmut aalajangersimasumut aqukkiarlugit nakkartinneqartartunut illersorneqarnissamik atortussanik atortulersukkat, aamma Unionip taassumalu naalagaaffiit ilaasortaasa DPRK-mi sulisuisa illersorneqarnissaannut taamaallaat atorneqartussat minillugit, sakkut imassallu, sakkutuut qamutaat, sakkutuut atortui, nunap sakkutooqarneranut ilaanngikkaluarlutik sakkutuutut uniformilerlutik sakkulersorsimallutillu suleqatigiiffinnut atortut aamma taakkununa kingoraartissat.

Imm. 2. Nioqqutissianut imaluunniit teknologiinut, imm. 1, litra a-mi pineqartunut atatillugu, nioqqutissiat aamma teknologiit taamaattut tuniniarneqarnerannut, tunniunneqarnerannut, nuunneqarnerannut imaluunniit nunanut allanut tunineqarnerannut atatillugu, toqqaannartumik imaluunniit toqqaannanngitsumik aningaasalersuineq imaluunniit aningaasaqarnermut tunngasumik ikiuunneq imaluunniit toqqaannartumik imaluunniit toqqaannanngitsumik taakkununnga atasumik tekniskiusumik ilinniartitsineq, siunnersuineq imaluunniit ikiuineq, DPRK-mi imaluunniit DPRK-mi

atorneqartussanik inunnut, immikkoortortaqaarfinnut imaluunniit sullissivinnut tekniskiusumik kiffartuussinerit imaluunniit akunnermuliuttuunermik suliaqarnerit, taamatuttaaq inerteqqutaapput. *Imm. 3.* UNSCR 2321-imi (2016-imeersumi) immikkoortoq 7 malillugu, iliuusereriikkanut kinguneqartitsisarneq pillugu ataatsimiititaliamut toqqaarneqarsimasunut nioqqtissianut, tuniniaanermut, tunniussinermut, nuussinermut aamma avammut tuniniaanermut, imm. 1, litra a, taamatuttaaq atuuppoq.

§ 16. Iliuutsit § 15, imm. 1, litra a-kkut eqqunneqartut, nioqqtissiamik tunniussinermut, tunisinernut imaluunniit nuussinernut tulliuuttut pippata atuutissanngillat:

1) Paasinninneq taamaattoq pillugu Erhvervsstyrelsip siuningaani iliuusereriikkanut kinguneqartitsisarneq pillugu ataatsimiititaliamut nalunaarutiginnissimanera aamma iliuutsit, nioqqtissiap siunertanut taamaattunut atorneqarnissaanut, akornusiissussat pillugit aalajangersaasimaneq pillugu iliuusereriikkanut kinguneqartitsisarneq pillugu ataatsimiititaliamut ilisimatitsisimanissaa piumasagaatigalugit, suliniutit taamaattut taamaallaat inunnik ikiuniarnermik siunertanut imaluunniit taamaallaat siunertanut pingaaruteqarluinnartunut suliniutaasut, koreami avannarlermi inunniit imaluunniit immikkoortortanit isertitassanik pilersitsinissamut atorneqartussaannngitsutut, aamma UNSCR 1718 (2006-imeersoq), 1874 (2009-imeersoq), 2087 (2013-imeersoq), 2094 (2013-meersoq) imaluunniit 2270 (2016-meersoq) malillugit inerteqqutaasunut, suliniutinut atassuteqanngitsut, Erhvervsstyrelsip aalajangerpagu, imaluunniit

2) tunniussineq ataaseq aalajangersimasoq, tuniniaaneq ataaseq aalajangersimasoq imaluunniit nuussineq ataaseq aalajangersimasoq, UNSCR 1718-imi (2006-imeersumi), 1874-imi (2009-imeersumi), 2087-imi (2013-imeersumi), 2094-imi (2013-imeersumi) imaluunniit 2270-imi (2016-imeersumi) anguniakkanut akerliunngitsaq, pisuni tamani ataasiakkaani iliuusereriikkanut kinguneqartitsisarneq pillugu ataatsimiititaliap aalajangerpagu.

§ 17. DPRK-mi inunnut imaluunniit inatsisitigut pisinnaatitaasunut pisussaataitaasunullu, immikkoortortaqaarfinnut imaluunniit sullissivinnut imaluunniit atuinissanut, nioqqtissianut aamma teknologiinut, § 15, imm. 1, litra a-mi ilaatinneqartunut atatillugu, toqqaannartumik imaluunniit toqqaannanngitsumik tekniskiusumik ikiuunneq imaluunniit akunnermuliuttutut suliaqarneq, nioqqtissianut, § 15, imm. 1, litra a-mi ilaatinneqartunut atatillugu tunniussineq, sananeq, aserfallatsaaliuineq aamma atuneq, inerteqqutaavoq.

§ 18. Nioqqtissiap pinngoqqaarfia apeqqutaatinnagu, DPRK-mut timmisartut orsussaannik, matumani timmisartunut benzinanik, timmisartunut sarpeqanngitsunut orsussanik naftamik suussusilinnik, timmisartunut sarpeqanngitsunut orsussanik petroliummimik suussusilinnik aamma raketinut orsussanik petroliummimik suussusilinnik toqqaannartumik imaluunniit toqqaannanngitsumik tuniniaaneq, tunniussineq, nuussineq imaluunniit avammut tunisineq inerteqqutaavoq.

Imm. 2. Pisuni ataasiakkaani nioqqtissianik taamaattunik annertuumik inunnik ikiuniarnermut pisariaqartinneqartunik uppersarneqartunik, DPRK-mut nuussinissaq aamma tunniussinermut aamma atuinermut sunniuteqarluartumik nakkutilliinissaq pillugu erseqqinnerusumik aaqqissuussisoqarnissaa piumasagaatigalugu, iliuusereriikkanut kinguneqartitsisarneq pillugu ataatsimiititaliap siuningaani qaqutigorluinnaq akuersissuteqarsimappat, imm. 1 atuutissanngilaq.

Imm. 3. DPRK-p avataaniittut inuinnarnut timmisartunut ilaasartaatinut timmisartut orsussaannik tuniniaanernut imaluunniit tunniussinermut, DPRK-mut timmisartornermut utimullu timmisartornissamut taamaallaat atorneqartussanut, imm. 1 atuutinngilaq.

Sulianut aalajangersimasunut suleqatigiiffiit

§ 19. Taakku DPRK-p naalakkersuisui sinnerlugit iliuuseqarnerat apeqqutaatinnagu, taamatut pilersitsineq, aserfallatsaaliuineq aamma ingerlatsineq innuttaasunit qallunaanit imaluunniit kalaallinit imaluunniit qallunaat nunaanni imaluunniit Kalaallit Nunaanni sumiiffinni DPRK-p immikkoortorta qarfinni imaluunniit inunnit ataasiakkaanit suliarineqarpat, sulianut aalajangersimasunut suleqatigiiffiit imaluunniit piginneqatigiiffiit tamaasa pilersinneqarnissaat, aserfallatsaaliorneqarnissaat aamma ingerlanneqarnissaat, inerteqqutaavoq.

Imm. 2. Sulianut aalajangersimasunut suleqatigiiffinnut imaluunniit piginneqatigiinnut, ingammik pisortanit attaveqaasersuinissamut suliniutinut, iluanaarutiniq pilersitsinngitsunut, niuernerpalaartumik ingerlanneqanngitsunut, aamma pisuni ataasiakkaani taakkunani siuningaani iliuusereriikkanut kinguneqartitsisarneq pillugu ataatsimiititaliamit akuersissutigineqartunut imm. 1 atuutinngilaq.

Imm. 3. Kinamit DPRK-millu ernup nukinganik attaveqaasertuutunut suliniutinut piusunut aamma Rajin- Khasan-imi umiarsualivimmut- aamma qimuttuitsut aqqaatannut Ruslandip DPRK-llu suliniutaannut, isumaqatigiisummi 2371-imi (2017-imeersumi) immikkoortoq 8-mi akuerineqartumut, aamarsuarnik Ruslandimi pilerfilinnik avammut tunisinissamut taamaallaat atorneqartussanut § 5, imm. 1 atuutinngilaq.

Imm. 4. Sulianut aalajangersimasunut suleqatigiiffiit imaluunniit piginneqatigiiffiit § 5, imm. 1-imi pineqartut, iliuusereriikkanut kinguneqartitsisarneq pillugu ataatsimiititaliap akuersissuteqarnissaq pillugu noqqaassuteqarneq itigartitsissuteqarnerisa kingorna kingusinnerpaamik ullut 120-it qaaniunneranni matuneqassapput.

Aningaaseriviit aamma aningaasaqarnermut tunngasumik sullissiviit

§ 20. DPRK-mit naalagaaffiup allanut attaveqarneranut aallartitaanut ataatsimut taamaallaat bankimi konto ataaseq aamma DPRK-mit diplomatimut piginnaatitaasumut ataatsimut Kalaallit Nunaanni nunami aningaaserivinni konto ataaseq pilersinneqarsinnaavoq.

§ 21. DPRK-mit aningaaseriviit immikkoortorta qarfiinik, ingerlatseqatigiiffimmik aqutaanik imaluunniit sinniisoqarfiinik nutaanik pilersitsinissaq imaluunniit ingerlatsinissaq kiisalu sulianut aalajangersimasunut suleqatigiiffinnik imaluunniit aningaaserivinnut taamaattunut, aningaaseriviit marluk akornanni suleqatigiinneq, taakkunani aningaaseriviup aappaa sullissinernik neqerooruteqarluni, inerteqqutaavoq.

Imm. 2. Imm. 1-imi atuutitsinnginnissanut, sioqqutsilluni Finanstilsynimit akuersissummik pinissaq piumasaqaataavoq.

Imm. 3. Aaqqissuussinerit piusut, imm. 1-imi taaneqartut, atorunnaarsinneqassapput.

§ 22. DPRK-mi bankimi kontunik, sinniisoqarfinnik, ingerlatseqatigiiffimmik aqutamik imaluunniit immikkoortorta qarfinnik nutaanik ammaanissaq inerteqqutaavoq.

§ 23. DPRK-mi bankimi kontut, sinniisoqarfiit, ingerlatseqatigiiffiit aqutat aamma immikkoortorta qarfiit piusut atorunnaarsinneqassapput.

Imm. 2. Atuutitsinnginnissanut, sioqqutsilluni Finanstilsynimit akuersissummik pinissaq piumasaqaataavoq.

Sillimmasiineq

§ 24. Umiarsuaq suliniutinut, peqqussummi matumani aalajangersakkanut akerliusumik atorneqarsimasoq pissutissalimmik pasitsaanneqarpat, umiarsuarnut sillimmasiinissaq- imaluunniit sillimmasiisarfiup sillimmaseqqinnissaanut kiffartuussinissaq inerteqqutaavoq.

Imm. 2. Naalagaaffiit Peqatigiit Sorsutsaaliuisutut ataatsimiittartuisa aalajangersaanerisa anguniagaannut aamma atuutitsinnginneq pillugu ingerlatseriaasaannut naapertuuttumik, inunnik ikiuniarnermut siunertat imaluunniit siunertat inerteqqutaanngitsut eqqarsaatigalugit tamanna pisariaqartinneqarpat, imm. 1-imit atuutitsinnginnerit Finanstilsynip akuersissutigisinnaavai.

Kapitali 4 Nakkutilliineq il.il.

§ 25. Peqqussummi matumani §§ 5-miit 7 ilanngullugu, 11-imiit 13 ilanngullugu aamma 20-imiit 24 ilanngullugu aalajangersakkat eqqortinneqarneri Finanstilsynip nakkutilliivigissavai.

Imm. 2. Finanstilsynip siulersuisui, aningaasersuinerimik ingerlataqarneq pillugu inatsimmi, kunngip eqqussutaatigut atuutilersinneqartumi, § 345 malillugu siulersuisut piginnaatinneqarnerannik piginnaasaqarlutik imm. 1 malillugu nakkutilliinermi ilaasaapput.

§ 26. Aningaasaqarnermut tunngasumik suliffeqarfiit, kiisalu pisiortorfiit aamma taakkununga suliasat pisataannik pisiortorfiit, nakkutilliisut suliasaannut pisariaqartinneqartunik paasissutissanik Finanstilsynimut tunniussissapput. Paasissutissat Finanstilsynip nakkutilliineranut annertuumik pingaaruteqartut, nammineq piumassuseq malillugu aamma piaarnerpaamik tunniunneqassapput.

Imm. 2. Suliffeqarfiit aamma inuit, imm. 1 imaluunniit imm. 7 malillugu malittarisassat atulersinneqarsimasut malillugit paasissutissanik tunniussisimasut, suliffeqarfiup imaluunniit inuup tulliusumik tulliuttut paasigunikkit, piaarnerpaamik paasissutissat Finanstilsynimut naqqiuteqarfigissavaat:

1) Piffissami tunniussiffiusumi paasissutissat eqqortuusimanngitsut.

2) Piffissami kingusinnerusumi paasissutissat eqqunngitsunngorsimasut.

Imm. 3. Paasissutissanik pissarsinissaq siunertaralugu, matumani ornigulluni takusaanikkut, pisariaqartumik qanoq iliorsinnaanermut uppersaateqarlutik, eqqartuussisumit aalajangiinertaqanngitsumik, Finanstilsyni qaqugukkulluunniit suliffeqarfinnut aamma inunnut imm. 1-imi ilaatinneqartunut, isersinnaatitaapput.

Imm. 4. Suliniut suliariumannittussarsiuussaasoq taanna pillugu paasissutissanik pissarsinissaq siunertaralugu, pisariaqartumik qanoq iliorsinnaanermut uppersaateqarlutik, eqqartuussisumit aalajangiinertaqanngitsumik, Finanstilsyni qaqugukkulluunniit pisiortorfimmut imaluunniit taassuma suliasat pisataannik pisiortorfianut isersinnaatitaavoq. Pisiortorfiup iniitaanut timitalerlugu Finanstilsynip isersinnaanera, suliniummi suliariumannittussarsiuugaasumi tassani piumasaqaatitut ilaassaaq, taanna suliffeqarfiup suliarinnittussarsiorartup aamma pisiortorfiup akornanni isumaqatigiissutigineqartarpoq. Suliariumannittussarsiuussinermi isumaqatigiissut Finanstilsynip pisiortorfiup suliffeqarfianut timitalerlugu isersinnaaneranik piumasaqaammik imaqqanngippat, suliniut suliarinnittussarsiuussaasq siunissami suliffeqarfimmit suliarinnittussarsiuussisartumit namminermit isumagineqarnissaa imaluunniit piffissami Finanstilsynip erseqqinnerusumik piffissaliuussaani, pisiortorfimmut allamut suliarinnittussarsiuunneqarnissaa Finanstilsynip piumasaqaatigisinnaavaa.

Imm. 5. Paasissutissanut tamanut Finanstilsynip tikitsisinnaanini piumasagaatigisinnaavaa, matumani naatsorsuutit aamma naatsorsuutit atortui, atuakkanit takussutissiat, pappiaqqat niuernermut tunngasut allat aamma paasissutissat elektroniskiusumik toqqortat, inuk imaluunniit suliffeqarfik inatsimmi matumani aalajangersakkani ilaanersoq pillugu Finanstilsynip aalajangiinissaanut pisariaqartinneqartut nalilerneqartut ilanngullugit.

Imm. 6. Nunanit allanit oqartussaasunit aamma sullissivinnit, § 33, imm. 3-mi taaneqartunit, atugassanik, paasissutissanik imm. 1 aamma 5 malillugit Finanstilsyni pissarsisinnaavoq.

Imm. 7. Suliffeqarfiit inuillu inatsimmi matumani ilaatinneqartut pillugit aarlerinaatinik nalilersuinnermut atugassatut pisariaqartinneqartut pillugit paasissutissat nalunaarutigineqartarnerat pillugit malittarisassanik erseqqinnerusunik Finanstilsyni aalajangersaasinnaavoq.

§ 27. Inatsimmi matumani malittarisassat, inatsimmit malittarisassat atulersinneqartut imaluunniit paasissutissat, aningaasanik nuussinermi nalunaarutigineqartussat pillugit Kalaallit Nunaannut inatsimmi malittarissat unioqqutinneqartillugit, Finanstilsynip piffissaliussaata aalajangersimasup iluani aningaasaqarnermut tunngasumik suliffeqarfiit iluusissanik pisariaqartinneqartunik suliaqarnissaat Finanstilsynip naalakkiutigisinnaavaa.

§ 28. Inuk, aningaasanik peqquserluutinik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi, § 7, imm. 2-mi oqaaseqatigiit pingajuat aamma sisamaat malillugit, inuup, aningaasanik peqquserluutinik malunnarunnaarsaasarneq pillugu inatsimmi § 7, imm. 2 malillugu toqqarneqarsimasup, atorfimminik ingerlatsisinnaanngitsup soraarsinneqarnissaa, aningaasaqarneq pillugu suliffeqarfimmut, taamaattoq taakkua immikkoortorta qarfiannuunngitsoq, aamma nunami maani tuniniaasuanuunngitsoq, Finanstilsynip naalakkiutigisinnaavaa.

Imm. 2. Imm. 1 malillugu naalakkiuteqarneq, suliffeqarfimmit inummillu naalakkiuummut tunngassuteqartumit, Finanstilsynimit eqqartuussivinnut saqqummiunneqarnissaa piumasagaatigineqarsinnaavoq. Tamanna pillugu noqqaassut Finanstilsynimut tunniunneqassaaq, kingusinnerpaamik naalakkiutip pineqartumut nalunaarutigineqarnerata kingorna sapaatit akunneri 4 qaangiutsinnagit. Suliaq innuttaasunut eqqartuussisarnerup ilusaanni suliaassanngortinneqassaaq.

§ 29. Inatsimmi matumani imaluunniit inatsimmit malittarisassat atulersinneqartut ilungersunartumik unioqqutinneqarsimanerat paasineqarpat, suliffeqarfiup imaluunniit inuup utaqqiisaagallartumik sullitanik nutaanik tigusinnginnissaa, aningaasaqarneq pillugu suliffeqarfimmut, taamaattoq taakkua immikkoortorta qarfiannuunngitsoq, aamma nunami maani tuniniaasuanuunngitsoq, Finanstilsynip naalakkiutigisinnaavaa. Unioqqutitsineq tamakkiisumik imaluunniit ilaannakoortumik suliffeqarfiup nunami allami immikkoortortaani pisimappat, naalakkiut immikkoortortamut annertusillugu atuutilersinneqarsinnaavoq.

Imm. 2. Unioqqutitsineq atorunnaarsimasoq Finanstilsynimut suliffeqarfiup imaluunniit inuup uppersarsarpagu, imm. 1 malillugu naalakkiuteqarneq atorunnaassaaq.

§ 30. Finanstilsynip suliffeqarfimmik naliliinera pillugu aamma suliffeqarfik sioqqullugu Finanstilsyni paasissutissanik tamanut saqqummiussisinnaanermik periarfissaqarnera pillugu, suliffeqarfiit taakku paasissutissanik tamanut saqqummiussinissamut pisussaaffii pillugit aningaasaqarnermut tunngasumik suliffeqarfinnut Erhvervsministeri malittarisassanik aalajangersaasinnaavoq.

§ 31. Suliffeqarfik imaluunniit inuk pillugu aningaasaqarnermut tunngasumik suliffeqarfik paasissutissanik ingerlatitseqqissimappat, aamma taakku tamanit ilisimaneqalersimappata,

Finanstilsynip naliliinera malillugu paasissutissat eqqunngitsuuppata, aamma paasissutissat suliffeqarfiup imaluunniit inuup sullitaanut, aningaasaliisuinut, akiligassaqarfiinut allanut, aningasaqarnermut tunngasumik niuerfinnut, taakkunani suliffeqarfiup aktiaatai imaluunniit pappiaraatai aningaasanik nalillit suliffeqarfimmit atulersinneqarsimasut nioqqutigineqarlutik, imaluunniit nalinginnaasumik aningasaqarnermut tunngasumik aalaakkaanermut, paasissutissat ajortumik sunniteqarnissaat Finanstilsynip nalilerpagu, Finanstilsynimit piffissaliussap aalajangerneqartup iluani, suliffeqarfiup imaluunniit inuup, paasissutissanik eqqortunik tamanut saqqummiussinissaa, Finanstilsynip naalakkiutigisinnaavaa.

Imm. 2. Finanstilsynimit piffissap aalajangiunneqartup iluani, Finanstilsynip naalakkiutaanut naapertuuttumik suliffeqarfiup paasissutissat eqqortut saqqummiutinngippagit, naalakkiut, imm. 1 malillugu nalunaarutigineqartoq, Finanstilsynip tamanut saqqummiussinavaa.

§ 32. § 25, imm. 1 aamma 2, § 27 imaluunniit § 29 b malillugit imaluunniit Finanstilsynip siulersuisuinit suliassiinerup kingorna Finanstilsynimit qisuariaatit, Finanstilsynip nittartagaani Finanstilsynimit tamanut saqqummiunneqassapput, taamaattoq imm. 6 takuuk. § 25, imm. 2 malillugu suliat politiinut tunngasumik pinerluttoqarsimaneranik misissuiffigineqarnissaannut tunniunneqarnissaat pillugit aalajangiinerit, eqikkaanertut tamanut saqqummiunneqassapput, taamaattoq imm. 6 takuuk. Tamanut saqqummiussinermi inatsisitigut pisinnaatitaasup pisussaataitaasullu imaluunniit inuit aqqi ilaatinneqassapput, taamaattoq imm. 3 takuuk.

Imm. 2. Qisuariaatit tamanut saqqummiunneqartut, tamanut saqqummiussinerup kingorna minnerpaamik ukiuni 5-ni Finanstilsynip nittartagaaniitinneqassapput. Inuit pillugit paasissutissat tamanut saqqummiussinermi ilaatinneqartut, taamaattoq piffissami pisariaqartinneqartumi Finanstilsynip nittartagaaniitinneqassapput.

Imm. 3. Imm. 1 malillugu inuup aqqanik ilaqartillugu tamanut saqqummiussineq, §§ 5-imiit 7 ilanngullugu, 11-imiit 13 ilanngullugu aamma 20-imiit 24 ilanngullugu aalajangersakkanik ilungersunartumik uteqqiattumik imaluunniit systematiskiusumik unioqqutitsinikkut taamaallaat pisinnaavoq.

Imm. 4. Suliffeqarfiup nittartagaqaruni, nittartakkamini pissusissamisoortumik inissaanni, paasissutissat imm. 1-imi ilaatinneqartut assingi tamanut saqqummiutissavai. Tamanut saqqummiussineq piaarnerpaamik pissaaq, aamma suliffeqarfiup qisuariaammik tigusinerata kingorna kingusinnerpaamik ullut pingasut iluanni pissalluni, imaluunniit pappiaqqanik nalilinnik niuerneq pillugu inatsimmi il.il., kunngip peqqussutaatigut atuutilersinneqarsimasumi, piffissami kingusinnerpaamik tamanut saqqummiussinissamut piumasaqaatigineqartut malillugit pissalluni. Tamanut saqqummiussinerup peqatigisaanik, suliffeqarfiup linki, toqqaannartumik qisuariaammut isersinnaalersitsisoq, suliffeqarfiup nittartagaqaruni nittartagaata saqqaanut takuneqarsinnaanngorlugu ikkutissavaa aamma Finanstilsynimit qisuariaat pineqartoq, oqaasertaliisoqassappat oqaasertaliinermi atassuteqartumi erseqqissumik takuneqarsinnaassaaq. Qisuariaat suliffeqarfiup oqaaseqarfiguniuk, tamanna tassunga uiggiullugu pissaaq, aamma oqaaseqaatit qisuariaammi erseqqissumik avissaartinneqassapput. Linkip saqqaaniittup aamma suliffeqarfiup nittartagaqaruni nittartagaani paasissutissat peerneqarnerat, tunngaviit, suliffeqarfiup nalunaarutunut allanut atortagai tunngavigalugit pissaaq, taamaattoq siusinnerpaamik linki aamma paasissutissat qaammatini 3-ni nittartakkameereerpata, aamma siusinnerpaamik ataatsimeersuarnerup tulluuttup imaluunniit sinniisuutitat ataatsimiisinnerisa kingorna pissalluni. Suliffeqarfiup nittartakkamini paasissutissanik tamanut saqqummiussinissaanik suliffeqarfiup pisussaaffia taamaallaat inatsisitigut pisinnaatitaasunut pisussaataitaasunullu atuuppoq. Qisuariaat, imm. 1-imi oqaaseqatigiit siulliit malillugit tamanut saqqummiunneqartoq, Erhvervsankenævni imaluunniit eqqartuussivinnut saqqummiunneqarpat, tamanna Finanstilsynip tamanut saqqummiussinerani ilaatinneqassaaq, aamma tulluuttumik Erhvervsankenævni imaluunniit

eqqartuussiviit inerniliinerat taamatuttaaq Finanstilsynip nittartagaani piaarnerpaamik tamanut saqqummiunneqassaaq.

Imm. 5. Finanstilsynip suliaq pinerluttoqarsimaneranik paasiniaanissamut politiinut tunniussimappagu, aamma pisuutitsisumik eqqartuussisoqarpat imaluunniit akiliisitsissummik atortussanngortitsisoqarpat, eqqartuussut, akiliisitsissummik atortussanngortitsineq imaluunniit eqqartuussutip eqikkarneqarnera, Finanstilsynip tamanut saqqummiutissavaa, taamaattoq imm. 6 takuuk. Eqqartuussut inaarutaanngippat, imaluunniit naammagittaalliutigineqarpat imaluunniit suliareqqitassanngortinneqarpat, tamanna tamanut saqqummiussinermi takuneqarsinnaassaaq. Suliffeqarfiup tamanut saqqummiussinera, suliffeqarfiup nittartagaani pissusissamisoortumik inissaani piaarnerpaamik pissaaq, aamma eqqartuussutip nalunaarutigineqarnerata imaluunniit akiliisitsissutip atuutilersinneqarnerata kingorna kingusinnerpaamik ulluinnaat 10 iluanni pissalluni, imaluunniit pappiaqqanik nalilinnik niuerneq il.il. pillugit inatsit malillugu kingusinnerpaamik tamanut saqqummiussinissamut piffissaliussaq piumasaqaataasoq malillugu pissalluni. Tamanut saqqummiussinerup peqatigisaanik suliffeqarfiup linki, eqqartuussummut, akiliisitsissutip atulersinneqarnera pillugu imaluunniit eqikkaanermik toqqaannartumik tikititsisinnaatitsisoq, suliffeqarfiup nittartagaata saqqaani takuneqarsinnaasumi ikkutissavaa, aamma linkimit, imaluunniit oqaaseqaatitaqarpat oqaaseqaammit atassuteqartumit, eqqartuussut imaluunniit akiliisitsissummik atulersitsineq pineqartoq, erseqqissumik takuneqarsinnaassaaq. Eqqartuussut, akiliisitsinissamik atulersitsineq imaluunniit eqikkaaneq, suliffeqarfiup oqaaseqaateqarfigippagu, tamanna tassunga uiggiullugu pissaaq, aamma oqaaseqaatit eqqartuussummit, akiliisitsissummik atulersitsinermi imaluunniit eqikkaanermi erseqqissumik avissaartinneqassapput. Paasissutissat suliffeqarfiup nittartagaanit peerneqarnerat, tunngaviit, suliffeqarfiup nalunaarutinit allanut atortagai tunngavigalugit pissaaq, taamaattoq siusinnerpaamik linki aamma paasissutissat qaammatini 3-ni nittartakkameereerpata, aamma siusinnerpaamik ataatsimeersuarnerup tulluuttup imaluunniit sinniisuutit ataatimiisinnerisa kingorna pissalluni. Tamanut saqqummiussineq pillugu suliffeqarfik Finanstilsynimut nalunaaruteqassaaq, matumani eqqartuussutip imaluunniit akiliisitsissutip atuutilersinneqarnerata assilillugu sanaqqinneqarneranik nassiussineq ilanngullugu. Tamatuma kingorna eqqartuussut, akiliisitsissummik atulersitsineq imaluunniit taassuma eqikkarneqarnera nammineq nittartakkamini Finanstilsynip tamanut saqqummiutissavaa. Paasissutissat tamanut saqqummiunneqarnissaannut suliffeqarfiup pisussaaffia taamaallaat inatsisitigut pisinnaatitaasunut pisussaataitaasunullu atuuppoq.

Imm. 6. Taamaattoq tamanna suliffeqarfimmut naleqqutinngitsumik annertuumik ajoqutaassappat imaluunniit pinerluttoqarsimaneranik paasiniaanermut tunngasumik eqqarsaatigisassat tamanut saqqummiussinissaq akerlilerpassuk, imm. 1 aamma 3-miit 5 ilanngullugu aalajangersakkat malillugit tamanut saqqummiussineq pissanngilaq. Sullissat pillugit paasissutissanik isertuussaasunik imaluunniit namminerisamik pissutsit aamma ingerlatsinermut- imaluunniit niuernermut tunngasunik pissutsit il.il. pillugit paasissutissanik ilanngussinnginnissaq pillugu pisortat ingerlatsinerat pillugu paasitinneqarsinnaatitaaneq pillugu inatsimmi aalajangersakkani ilaatinneqartunik, tamanut saqqummiussineq imaqartinneqassanngilaq. Oqartussaasut, paasissutissanik tunniussisimasut, akuersissuteqarnertik erseqqissumik tunniussimanngippassuk, tamanut saqqummiussineq paasissutissanik isertuussaasunik, EU-meersunik imaluunniit EØS-mi nunaameersunik imaqartinneqassanngilaq.

Imm. 7. Imm. 6-imi oqaaseqatigiit siulliit malillugit tamanut saqqummiussineq pinngitsoortinneqarpat, eqqarsaatigisassat pinngitsoortitsinermut pisariaqalersitsisut, atuukkunnaarpata, imm. 1 aamma 3-miit 5 ilanngullugu aalajangersakkat malillugit tamanut saqqummiussisoqassaaq. Oqaaseqatigiit siulliit apeqqutaatinnagit, qisuariaateqarnerup imaluunniit suliap pinerluttoqarsimaneranik paasiniaasoqarnissaa pillugu politiinut tunniunneqarnissaa pillugu aalajangiisoqarnerani ullormit ukiut 2 qaangiunnerisa kingorna, taamaattoq tamanut

saqqummiussisoqassanngilaq. Eqqartuussisarnermik inatsimmi malittarisassat malillugit unnerluussutip taamaatiinnarneqarnera imaluunniit unnerluussisoqarnissaa pinngitsoorneqarsimappat, taamaallaat tamanut saqqummiussisoqarnissaa pisinnaavoq.

Imm. 8. Suliani, imm. 1-imi oqaaseqatigiit aappaat malillugu, pinerluttoqarsimaneranik misissuisoqarnissaanut tunngasumik suliap politiinut tunniunneqarnissaa pillugu aalajangiineq Finanstilsynimit tamanut saqqummiunneqarsimatillugu, aamma unnerluussutip taamaatiinnarneqarnera imaluunniit unnerluussisoqarnissaa pinngitsoortinneqarnissaanik aalajangiisoqarpat imaluunniit eqqartuussummik pinngitsuutitsisumik eqqartuussisoqarpat, inummit imaluunniit inatsisitigut piginnaatitaasumit pisussaataasumillu, suliamut tunngassuteqartumit, noqqaassuteqarnerup kingorna Finanstilsynip, tamanna pillugu paasissutissat tamanut saqqummiutissavai. Unnerluussutip taamaatiinnarneqarnera imaluunniit unnerluussisoqarnissaata pinngitsoortinneqarnissaa pillugu aalajangiinerup imaluunniit eqqartuussutip assilillugu sanaqqinneqarnera, inuup imaluunniit inatsisitigut pisinnaatitaasup pisussaataasullu, tamanut saqqummiussinissamik noqqaassuteqarnerup peqatigisaanik, Finanstilsynimut nassiutissavaa. Unnerluussinissamik taamaatitsiinnarneq, unnerluussisoqarnissaanik pinngitsoortitsineq imaluunniit eqqartuussut inaarutaanngippat, tamanna tamanut saqqummiussinermi takuneqarsinnaassaaq. Inaarutaasumik unnerluussummik taamaatitsiinnarneq imaluunniit unnerluussinissamik pinngitsoortitsineq imaluunniit inaarutaasumik pinngitsuutitsinermik eqqartuussummut uppersaammik Finanstilsyni tigusaqaruni, Finanstilsynip nittartagaani suliap pinerluttoqarsimaneranik misissuisoqarnissaanut tunngasumik politiinut tunniunneqarsimanera pillugu aalajangiineq aamma taamaattoqarpat suliami tulliusumik eqqartuussutit pillugit paasissutissat tamaasa, Finanstilsynip piissavai.

§ 33. Nakkutilliineq aqputigalugu paasissutissat isertuussaasut, taakku ilisimalersimasatik, Finanstilsynip atorfilittaasa pillaaarnermik inatsimmi §§ 152-imiit 152 e ilanngullugu aalajangersakkat malillugit isertuunneqarnissaanut pisussaaffik akisussaaffigivaat. Inunnut, nakkutilliinermik ingerlatsinermut atasumik, Finanstilsyni sinnerlugu sullissinermik suliaqartunut, tamanna aamma atuuppoq. Tamanna atorfinitsinneqarnerup- imaluunniit isumaqatigiissuteqarnerup naanerani aamma atuuppoq.

/Imm. 2. Inummit, nipangiussisussaataaermit illersorneqartussatut siunertaqarfigineqartumit, akuersissuteqarnek, imm. 1-mi inunnit taaneqartunit, paasissutissanik isertuussanik ingerlatitseqqinnissamut piginnaatitsinngilaq.

Imm. 3. Tulliuttunut paasissutissanik isertuussanik ingerlatitseqqinneq imm. 1-mit akornuserneqanngilaq:

- 1) Inatsimmut massumunnga naapertuuttumik nakkutilliinermut oqartussaasunut.
- 2) Aningaasanik peqquserluutinik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi, § 74 malillugu, suleqatigiinnermut oqalliffimmi ilaasortanut.
- 3) Oqartussaasunut allanut, matumani pillaaarnermik inatsimmi, inatsimmi matumani imaluunniit nakkutilliinermut inatsisiliornerni allani pissutsit pillarneqaataasinnaasut pinerluttoqarsimaneranik paasiniaaffigineqarnerannut aamma eqqartuussisutigoortinneqarnerannut atatillugit unnerluussisussaataasut politiillu ilanngullugit.
- 4) Akileraartarnermik- akitsuusersuinermillu inatsisiliornerni unioqqutinneqarsimasinnaanerisa misissuiffigineqarnerannut atugassanik ingerlatitseqqinneq pippat, Kalaallit Nunaanni oqartussaasunut.
- 5) Taassumap pingaarnertut nakkutilliineranut atatillugu, ministerimut pineqartumut.

- 6) Allaffissornikkut oqartussaasunut eqqartuussivinnullu, Finanstilsynimit aalajangiinernik aalajangerneqarsimasunik suliarinnittunut.
- 7) Folketingip Ombudsmandianut.
- 8) Inatsisiliortut isumalioqatigiissitaannut, Folketingimit pilersinneqartunut.
- 9) Misissuisitanut, inatsisitigut imaluunniit misissuisitat pillugit inatsit malillugu pilersinneqartunut.
- 10) Statsrevisorinut aamma Naalagaaffiup aningaasartuutaanik kukkunersiuisunut.
- 11) Kingornussassanik agguaasarnermut eqqartuussivimmut, oqartussaasunut allanut, aningaaseriviup, isumannaatsumik sallunaveeqquteqarluni taarsigassarsiniartarfiup, aningaasaateqarfinnut akunnermuliuttartutut ingerlatseqatigiiffiup, aningaasaliinermut ingerlatsivittut ingerlatseqatigiiffiup imaluunniit sillimmasiisarfiup aningaasatigut ajutoorluni suliaminik unitsitsinerani, akiliisinnaanerata suliarineqarnerani imaluunniit ingerlatseriaatsini assingusuni peqataasunut, nakkutilliisunut kiisalu paasissutissanik tiguisut suliassamininnik suliarinninnissamut taaneqartorpianut pisariaqartitsinerat piumasaqaatigalugu, inunnut, aningaaseriviup, isumannaatsumik sallunaveeqquteqarluni taarsigassarsiniartarfiup, aningaasaateqarfinnut akunnermuliuttartutut ingerlatseqatigiiffiup, aningaasaliinermut ingerlatsivittut ingerlatseqatigiiffiup imaluunniit sillimmasiisarfiup kukkunersiorneqarnissaannik inatsisitigut pisussaaffinnut akisussaasuusunut.
- 12) Finansiell Stabilitet, Finansiell Stabilitet taakkorpiaat taaneqartut pillugit suliassaminik suliarinninnissaminut pisariaqartitsinera piumasaqaatigalugu.
- 13) Ataatsimiititaliat eqimattallu il.il. erhvervsministerimit pilersinneqartut, aningaasaqarnermut tunngasumik aalaakkaanissap qulakkeerneqarnissaanut suliniutit pillugit eqqartuinissamik ataqtigiissaarinermillu siunertaqartut.
- 14) Savalimmiuni aningaasaqarnermut tunngasumik aalaakkaanissamut akisussaarnermut atatillugu aamma Savalimmiuni aningaaseriviit, isumannaatsumik sallunaveeqquteqarluni taarsigassarsitsinermut instituttit, aningaasaateqarfinnut akunnermuliuttartutut ingerlatseqatigiiffiit, aningaasaliinermut ingerlatsivittut ingerlatseqatigiiffiit imaluunniit sillimmasiisarfiit ajornartoorneranni isumagineqarnissaannut atugassamik savalimmiuni aningaasaqarnermut tunngasumik naalakkersuisuusoq.
- 15) Kalaallit Nunaanni aningaasaqarnermut tunngasumik aalaakkaanissamut akisussaarnermut atatillugu aamma Savalimmiuni aningaaseriviit, isumannaatsumik sallunaveeqquteqarluni taarsigassarsitsinermut instituttit, aningaasaateqarfinnut akunnermuliuttartutut ingerlatseqatigiiffiit, aningaasaliinermut ingerlatsivittut ingerlatseqatigiiffiit imaluunniit sillimmasiisarfiit ajornartoorneranni isumagineqarnissaannut atugassamik Kalaallit Nunaanni inuussutissarsiornermut suliffeqarfimmullu naalakkersuisuusoq.
- 16) Tiguisut inatsisitigut aalajangerneqartumik, minnerpaamik imm. 1 malillugu nipangiussisussaataitanerup assigisaanik nipangiussisussaataitanertat aamma tiguisut suliassaminnik suliarinninnissaminut paasissutissanik pisariaqartitsinerat piumasaqaatigalugu, aningaasaqarnermut tunngasumik suliassaqaarfimmi Savalimmiuni nakkutilliinermut oqartussaasut, taamaattoq imm. 6 takuuk.
- 17) Ingerlatitseqqinneq aningaasaqarnermut tunngasumik systemip aalaakkaanissaata aamma innarligassaannnginnerata patajaallisarneqarnissaa siunertaralugu pippat, ingerlatseqatigiiffiit pillugit inatsiseqartitsinerup malinneqarnissaanut nakkutilliisutut Erhvervsstyrelsi, taamaattoq imm. 6 takuuk, aningaaseriviit, isumannaatsumik sallunaveeqquteqarluni taarsigassarsitsinermut instituttit, aningaasaateqarfinnut akunnermuliuttartutut ingerlatseqatigiiffiit, aningaasaliinermut ingerlatsivittut ingerlatseqatigiiffiit imaluunniit sillimmasiisarfiit naatsorsuutaannik inatsisit malillugit kukkunersiuinermut nakkutilliisutut Erhvervsstyrelsi, Revisortilsyni aamma Revisornævni, taamaattoq imm. 6 takuuk, aamma

paasissutissat aningaasaateqarfirmut imaluunniit peqatigiiffimmut aningaasersuinemik ingerlataqarneq pillugu inatsimmi, kunngip peqqussutaatigut Kalaallit Nunaannut atuutilersinneqartumut, §§ 207-imi, 214-imi, 214 a-mi imaluunniit 222-imi ilaatinneqartumut tunngassuteqarpata, Erhvervsstyrelsi. Tigusisup suliassaminik suliarinninnissaminut taakkuninnga taaneqartorpianik pisariaqartitsinera piumasaqaatigalugu, oqaaseqatigiit siulliit malillugit ingerlatitseqqinneq taamaallaat pisinnaavoq.

- 18) Nunami EU-miittumi imaluunniit nunami EØS-imiittumi nakkutilliinermik oqartussaasut, aningaasanik peqquserluutiniq malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit inatsisip, inunnit aamma suliffeqarfinnit eqqortinneqarnissaat pillugit nakkutilliinermik akisussaasuusut, paasissutissat, aningaasanik nuussinermi ilanngunneqartussat pillugit Europa-parlamentip aamma Siunnersuisoqatigiit peqqussutaat 2015/847/EU, 20. maj 2015-imeersoq, aamma tiguisut suliassaminik suliarinninnissaminut taakkuninnga taaneqartorpianik pisariaqartitsinerat piumasaqaatigalugu, peqqussutit nunanut, inunnut, eqimattanut, immikkoortortaqaarfinnut inatsisitigut pisinnaatitaasunut pisussaataitaasunullu, imaluunniit sullissivinnut, aningaasaqarnermut tunngasumik iliuusereriikkanut kinguneqartitsinerit pillugit malittarisassanik imallit.
- 19) Nunani EU-p imaluunniit EØS-ip avataaniittuni, aningaasanik peqquserluutiniq malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit inatsisip, inunnit aamma suliffeqarfinnit eqqortinneqarnissaat pillugit aningaasaqarnermut tunngasumik nakkutilliinermut oqartussaasut.
- 20) Taarsigassarsitsisarfinnik nakkutilliineq pillugu politikkinut atatillugu Den Europæiske Centralbank-itut suliassat immikkut ittut pillugit Siunnersuisoqatigiit peqqussutaat 1024/2013/EU, 15. oktober 2013-imeersoq malillugu taanna iliuuseqarpat, Den Europæiske Centralbanki.
- 21) Paasissutissanik tiguisut suliassamininnik suliarinninnissamut taaneqartorpianut pisariaqartitsippata, Den Europæiske Banktilsynsmyndighedi, Det Europæiske Råd for Systemiske Risici, Den Europæiske Tilsynsmyndighed for Forsikrings- aamma Arbejdsmarkedspensionsordninger aamma Den Europæiske Værdipapir- aamma Markedstilsynsmyndighedi aamma sullissiviit taakkuninnga pilersinneqartut.

Imm. 4. Nunat tamat akornanni suleqatigiinnissamik isumaqatigiissut tunngavigalugu imm. 3, nr. 19 malillugu ingerlatitseqqinneq, aamma taakku suliassaminik suliarinninnissaminut annertuumik paasissutissanik pisariaqartitsippata, tiguisut minnerpaamik inatsisinit aalajangersakkamik nipangiussisussaataitanerat, aamma imm. 1 malillugu nipangiussisussaataitanerup assinganik nipangiussisussaataitanerat piumasaqaatigalugu, taamaallaat pisinnaavoq.

Imm. 5. Kikkut tamarmik, imm. 3 nr. 1-imiit 17 ilanngullugu aalajangersakkat malillugit paasissutissanik isertuussaasunit Finanstilsynimit tiguisut, paasissutissat taakku eqqarsaatigalugit, nipangiussisussaataitaaneq imm. 1-imi taaneqartoq malillugu nipangiussisussaataitaapput.

Imm. 6. Oqartussaasut, paasissutissanik tunniussisimasut, erseqqissumik akuersissuteqarsimanertik tunniussimappassuk, aamma taamaallaat siunertanut akuersissummut tunngassuteqartunut taamaallaat atorneqassappata, imm. 3, nr. 1, 2, 8, 9, 11, 16, 18 aamma 19 malillugit paasissutissanik isertuussaasunik, EU-mi- imaluunniit EØS-imi nunaameersunik imaluunniit EU-p imaluunniit EØS-ip avataani nunani aningaasaqarnermut tunngasunut oqartussaasunit ingerlatitseqqinneq, aammattaaq taamaallaat pisinnaavoq.

Imm. 7. Paasissutissat isertuussaasut, Finanstilsynip tigusai, iliuusereriikkanut kinguneqartitsinermik naalakkiuteqarnissamik suliaqarnermut atatillugu, imaluunniit nakkutilliinermik oqartussaasup aalajangiinera allaffissornikkut oqartussaasumut qaffasinnerusumut imaluunniit eqqartuussivinnut saqqummiunneqarpat, taamaallaat atorneqarsinnaapput.

§ 34. Inatsimmik matuminnga, tassannga malittarisassanit atulersinneqartunit imaluunniit aningaasanik nuussinermi paasissutissat ilanngunneqartussat pillugit Kalaallit Nunaannut inatsimmik unioqqutitsisimaneq imaluunniit unioqqutitsinerusinnaasoq pillugu pineqartup suliffeqarfik imaluunniit inuk Finanstilsynimut nalunaarutigisimappagu, Finanstilsynimi sulisut inuk pillugu paasissutissanik ingerlatitseqqissinnaanngillat, taamaattoq imm. 2 takuuk.

Imm. 2. Inunnik paasissutissat § 33, imm. 2 malillugu ingerlateqqinneqarnerannut imm. 1-imi aalajangersagaq akornutaanngilaq.

Imm. 3. Kikkut tamarmik, imm. 2 malillugu inunnik paasissutissanik tiguisut, paasissutissat taakku eqqarsaatigalugit, imm. 1-imi nipangiussisussaataaneq pineqartoq malillugu nipangiussisussaataapput, taamaattoq § 33, imm. 5 takuuk.

§ 35. Peqqussutimmi matumani §§ 8-p aamma 14-imiit 19 ilanngullugu aalajangersakkat eqqortinneqarnerannik Erhvervsstyrelsi nakkutilliisuvoq.

Imm. 2. Kinaluunniit, 8-mi aamma 14-imiit 19 ilanngullugu aalajangersakkani inerteqquteqarnermik ukkatarineqartoq, paasissutissanik nakkutilliisut suliaqarnerannut pisariaqartinneqartunik Erhvervsstyrelsimut tunniussissapput. Paasissutissat, Erhvervsstyrelsip nakkutilliineranut annertuumik pingaaruteqartut, Erhvervsstyrelsimiit kaammattorneqarnikkut tunniunneqassapput.

Akuusut aamma naammagittaalliorneq pillugu aalajangersakkat

§ 36. Nakkutilliinermut oqartussaasut inatsit manna imaluunniit inatsit manna malillugu najoqqutassat aalajangersarneqartut aamma aningaasanik nuussinermi paasissutissat ilanngunneqartussat pillugit Kalaallit Nunaannut inatsit malillugit aalajangiinerannut, suliffeqarfik imaluunniit inuk sammineqartinneqartoq, akuusutut isigineqarpoq.

§ 37. Inatsit manna malillugu aamma inatsit manna malillugu malittarisassat atulersinneqartut, aamma aningaasanik nuussinermi paasissutissat ilanngunneqartussat pillugit Kalaallit Nunaannut inatsit malillugit aalajangiinerit Finanstilsynimut aalajangerneqartut, aalajangiinerup pineqartumut nalunaarutigineqarnerata kingorna kingusinnerpaamik sapaatit akunnerisa 4 qaangiunneranni, Erhvervsankenævniinut saqqummiunneqassapput.

Iliusereriikkanut kinguneqartitsineq pillugu allattuiffiit

§ 38. Inuit imaluunniit inatsisitigut pisinnaatitaasut pisussaataitaasullu, eqimattat, immikkoortorta qarfiit sullissiviillu pillugit peqqussummi matumani inerteqquteqarnermik ilaatinneqartut pillugit allattuiffiit qaqugukkulluunniit atuuttut, Naalagaaffiit Peqatigiit nittartagaanni Naalagaaffinnit Peqatigiinnit tamanut saqqummiunneqassapput.

Kapitali 5 **Pillaatissiineq pillugu aalajangersagaq**

§ 39. Peqqussummi matumani §§ 5-imiit 8 ilanngullugu, 11-imiit 19 ilanngullugu aamma 20-imiit 24 ilanngullugu aalajangersakkanik unioqqutitsineq, Kalaallit Nunaanni pinerluttulerinermi inatsimmi § 26 malillugu pineqaatissiissutaassaaq.

Atuutilerfia

§ 40. Lovtidendemi nalunaaruteqarnikkut peqqussut atuutilissaaq.